



*Odbor za urbanizam i upotrebu lokalnog zemljišta*

Broj: 04-GV-04-1645/21  
Sarajevo, 14.12.2021. godine

**ZAPISNIK O RADU**  
**OSME SJEDNICE ODBORA ZA URBANIZAM I**  
**UPOTREBU LOKALNOG ZEMLJIŠTA**  
*održane 14.12.2021. godine*

Prisutni:

1. Aida Koluder - Agić, predsjedavajuća Odbora
2. Ismir Smajić, zamjenik predsjedavajuće
3. Salih Išerić, član
4. Sandra Toskić, član
5. Fikret Jakupović, član
6. Danijela Šahat, članica
7. Elvedin Korora, član

Sjednici iz Stručne službe Gradskog vijeća Grada Sarajeva prisustvuju:

- Mila Eminović Rizvanović, sekretar Gradskog vijeća

Sjednici prisustvuju i:

- Arijana Musić, ispred Gradske službe za urbano planiranje, investicije, stambene i komunalne poslove,
- Semir Mušinović, ispred Gradske službe za urbano planiranje, investicije, stambene i komunalne poslove,
- Tarik Zečić, ispred Gradske službe za urbano planiranje, investicije, stambene i komunalne poslove

Predsjedavajuća Odbora je otvorila sjednicu u 15.05 sati, pozdravila prisutne i utvrdila kvorum za punovažan rad i odlučivanje.

Sjednica je započela razmatranjem i usvajanjem Zapisnika o radu Sedme sjednice Odbora za urbanizam i upotrebu lokalnog zemljišta Gradskog vijeća Grada Sarajeva održane 17.11.2021. godine, sa pet glasova „za“ i jednim „suzdržanim“ glasom.

Na prijedlog Predsjedavajuće, jednoglasno je usvojen sljedeći dnevni red:

1. Prijedlog Programa rada Gradskog vijeća Grada Sarajeva za 2022. godinu
2. Tekuća pitanja



## *TAČKA 1.*

### *Prijedlog Programa rada Gradskog vijeća Grada Sarajeva za 2022. godinu*

Fikret Jakupović, član Odbora pristupio je sjednici u 15.10. sati.

Uvodno izlaganje podnijela je Arijana Musić, ispred Gradske službe za urbano planiranje, investicije, stambene i komunalne poslove, te sugerisala članovima Odbora da predlože da se u Program rada Gradskog vijeća Grada Sarajeva uvrsti razmatranje Regulacionog plan „Alipašin most VI“ u formi Nacrta, a imajući u vidu da je već planirano razmatranje navedenog regulacionog plana u formi Prijedloga.

Uslijedila je rasprava u kojoj su učestvovali članovi Odbora, sekretar Gradskog vijeća Grada Sarajeva i predstavnik Gradske službe za urbano planiranje, investicije, stambene i komunalne poslove.

Poslije rasprave, te sažetka Predsjedavajuće, Odbor za urbanizam i upotrebu lokalnog zemljišta jednoglasno je usvojio sljedeće **zaključke**:

Odbor za urbanizam i upotrebu lokalnog zemljišta sugeriše Gradskom vijeću Grada Sarajeva da razmatra *Program rada Gradskog vijeća Grada Sarajeva za 2022. godinu* kako je predložen, uz uvažavanje sljedećeg mišljenja:

1. Odbor za urbanizam i upotrebu lokalnog zemljišta sugeriše Kolegiju Gradskog vijeća, a na prijedlog predstavnice Gradonačelnice, da se u Prijedlog Programa rada Gradskog vijeća Grada Sarajeva za 2022. godinu, u Oblasti VI - Urbano planiranje i upotreba lokalnog zemljišta uvrsti sljedeća tema “Odluka o usvajanju Regulacionog plana „Alipašin most VI“ sa Odlukom o provođenju Regulacionog plana „Alipašin most VI“ , u formi Nacrta, rok: Kad se steknu uslovi.
2. Odbor za urbanizam i upotrebu lokalnog zemljišta podržava napore gradske administracije za organiziranje i održavanje sastanka u prostorijama Zavoda za planiranje razvoja Kantona Sarajevo u cilju prezentacije koncepta urbanističkog plana za urbano područje Sarajeva članovima Odbora za urbanizam i upotrebu lokalnog zemljišta Gradskog vijeća, uz prisustvo rukovodstva Grada Sarajeva, predstavnika Zavoda za planiranje razvoja Kantona Sarajevo i predstavnika Ministarstva komunalne privrede, infrastrukture, prostornog uređenja, građenja i zaštite okoliša Kantona Sarajevo.

Odbor za urbanizam i upotrebu lokalnog zemljišta očekuje da se ovakav sastanak organizira što je moguće prije.

## *TAČKA 2.*

### *Tekuća pitanja*

Pod ovom tačkom dnevnog reda nije bilo zaključaka.

*PREDSJEDAVALA ODBORA*

*Aida Koluder-Agić, s.r.*

Predsjedavajuća Odbora je u 16.22 sati zaključila rad Osme sjednice Odbora za urbanizam i upotrebu lokalnog zemljišta Gradskog vijeća Grada Sarajeva.